

2 Pita Pas yimbu Pita ai sürü papimarandi

¹ Karıhasıhandürı, ro Saimon Pita Sisas Kraisındı moanı ratüpurıya-rıhandembı asu ahandı hoafı sahamındı ha-rıhandeimb-anahı. Sıhefı God asu aboedambo-reamunı-randeimbı Sisas Kraisındı sürühoeimbı hohoanımo süngu God ai anıhondümböfe hohoanımo aboedı-safı ro hohoanımoayefı yahurai sıheimbo masagadürı.

² Se God asu Adükarı Sisas anıhondümbö fıfırıhi-pırımboaneı ranımbo-anımbo ai hıpoambo-ndınearühı ıngusüfoambe afurıfe kife hohoanımo afındımbo mbısabınandür-amboane.

God ai sıhefımbo wand-aneı mehu

³ Krais ai Godındı ıngınındeimb-ani, asu ranınambo ahandı hohoanımo yangrı süngufembohünda ai sıhefımbo munıgu moatükunı masemunı. Sıhırı ahambo fıfırarıhurı ranınambo ai sıhefımbo ahandı-mayo fıfırıfe aboedı masemunı. Ai sıhefımbo hoafıyumunühı yahuya, 'Se sınei wandı hımboamupuımbo-randeimbı asu sürühoeimbı hohoanımo sahümündı,' mehumunı.

⁴ Ranımboyu sıhefımbo aboedı adükarı hamındı fehefembo moatükunı ra mase-munı sapo horombo ai sıhefımboya ndahandürımboyahı mehu. Ranınamboyeı se ıngusüfoambe moaruwai botıfımbı hohoanımo

hifi ndanihündambo sihefimbo munju ra moaruwaimbo-reamuni marandi ranahambo aboedambo-ndahimboyei asu se Godindi hohoanimo ndahümündi-mboyei.

⁵ Ranimbo-hündambo-animbo asu se tiñirifondeihí sihei aboedi hohoanimo ra anihondümbafe ranifih-animbo pandihindi. Sihei aboedi hohoanimo ranifih-animbo Godimbo fifirife ra pandihindi.

⁶ Godimbo fifirife ranifih-animbo sihei fimbo diboardofe hifandi hohoanimo pandihindi. Sihei fimbo diboardofe hifandimbo hohoanimo ranifih-animbo nginindi niñgombo hohoanimo ra pandihindi. Sihei nginindi niñgombo hohoanimo ranifih-animbo God hohoanimoayu hohoanimo süngufe ra pandihindi.

⁷ Sihei God hohoanimoayu süngufe hohoanimo ranifih-animbo wandafi mamí-babídi aboedi niñgo hohoanimo ra pandihindi asu ranifih-animbo hipoambofe hohoanimo ra pandihindi.

⁸ Rananimbo asu rani hohoanimo ranai sihei fiambe nímándi ñgombo adükari tükefeyondürí ana, asu sihei Adükari Sisas Kraisimbo fifirife ra ñgiri moani rande yagodo, ñga wani. Ñga ranana sihei Adükariimbo fifirife ranai aboedi nímí afíndi hisaiyo nou yahurai rande hisíndimboe.

⁹ Ñga asu nindou ai sapo munjuambo rani-moatükuní hohoanimo ra ahandí fiambe nímaríkoate-ndoaní ana, nindou ranai níni-moatükuníyo anguní engoro ra hoeifekoate-ayu ana, hímbóatíharí nahurai-ani. Aiana sapo horombo moaruwai hohoanímoyu marandí ra God ai raguanambo-mareando ranahambo hohoanimo mítaníra-mündümboani.

10 Ran+imboane wandafi mamî, God ai s+heimbo wambo sowana s+nei yahuhaya hoafi+yundürühi ai wand-anei mehundür-anei. Ran+imbo-hündambo-an+imbo asu ai s+heimbo an+hondümbo hoafi+mayundür+ ran+imbo nafuimbohünda süngundühündühi hüti-hütindei. Se rawar+hindi ana, ŋgiri se an+hondümbofe hohoan+imo h+n+ŋg+ndi+hindi.

11 Ranan+imbo s+heimbo s+hefi Adükari asu aboedambo-reamuneimbi Sisas Krais+ndi ŋg+n+ndi hifandarandi koadürümbo-koadürümbo yangorambo ranambe hafombo nafi yagodondür+imboe.

12 Yinî, muŋgu-moatükunî horombo hoafi+mayahi ra se hohoan+moyei fifiri+hi hehi ŋg+n+ndi n+imboeimbo sünguri+hündühaneisi. Nga awi ro s+heimbo n+imbi-n+imbi-si hoafi+ndaha-ndür+imboyahi se rani hohoan+imo ra hohoan+moyei-mb+rühündamboane mb+sahehea.

13-14 Ro fifiri+he-amboanahi ŋgiri am+itata ro fi yangiri an+imboahi nda h+n+ŋg+ndi+heandi. Sapo rani-moatükunî ran+imboyu s+hefi Adükari Sisas Krais ai fifire hoafi+mayundi+ri. Nga awi ro ndari+he yangiri n+imboahambe-an+imbo s+hei hohoan+imo ra botifendür+ rambo-hündambo muŋguambo si ra asukai hoafi+ndamboyahî. Ro hohoan+imoayahî ranana aboed-ane.

15 Ran+imboanahi asu ro haponda s+heimbo hoafi+yondür+imbo hüti-hütiaya habodihi. Ranan+imbo asu sünguna ro yifinda hehea ŋgahani amboani asu muŋguambo hoafi rana-hambo hohoan+mombeyi saheheamboanahi ro hüti-hütiyahühi hoafehandürî.

Kraisimbo sowahi Godindi nginindi mengoro ra hoeimarihundi.

¹⁶ Sihefi Adükari Sisas Krais asükaiyo nginindi kapeihü kosimboayu hoafi ra ro ndorihе wataporimbo-marihandüri ra ropoanimbo hohoanimoyefi hohu hoafiyefühi-yefipoani. Nga yihoe fi himboarinambo ahandi nginindi himboamupuimbi moatükun i hoeimarihuri.

¹⁷ Ape God airüri ahambo ndüri adükari sagad-owohü asu si adükari aboedi ahandi-mayo ra sagadowani ro ranihü manimboefi. God ai adükari himboamupuimbi sünambe si ranifih i nimarumbo ai yare hoafiyuhü yahuya, “Nindou ranana wandi nimor-ani, nga moani ro ngusüfo parihineimb-ani. Ahamboane ro wambo ngusüfoambe siaoweheandi,” mehu.

¹⁸ Ro Sisas Krais-babidi wafuambe nimboef-ane God hoafimayu rani hoafi ra sünambeahindi makosowa himborimayefi.

¹⁹ Ranimboanefi ro Godindi hoafi hoafiyomorundeimbi ahamundi hoafi ra nginindi anihondumbo-arihundi, nga se-amboani rani hoafi ranahambo yarihi anihondumbo-arihindi ana, aboedi saf-ane. Ahamundi hoafi ranana ram nimb i nimarowani aninggo nahurai-ane. Ram ra siyo homboyowan i si hoafambe Kraisindi si botiboti nahurai sihei ngusüfoambe tükündifemboe.

²⁰ Nga asu se ranahambo wudipoapondihi fifirindihi hehimbo-animbo. Nindou mam i ai ngiri ahandi hohoanimonambo yangiri Godindi hoafi hoafiyomorundeimbi-yomondi hoafi Baibor-ambe engoro ranahambo fifinde

hoafɪndu.

²¹ Ai nɪmboe, horombo nindou mamɪ ai moai Godɪndɪ hoafɪ ɛŋgoro ra ahandɪ hohoanɪmonambo yangɪrɪ hoafɪyu, ŋga wanɪ. Yɪfiafɪ Aboedɪ ranaiyo nindou bɪdɪfɪrambo hohoanɪmo botɪreapuranɪ God ai hoafɪ masagapurɪ ranɪmbo hoafɪ weindahɪ hoafɪyomo marundɪ.

2

Godɪndɪ hoafɪ tɪkai-hoafɪyomo-rundeimbɪ

¹ Ŋga horombo Godɪndɪ hoafɪ tɪkai-hoafɪyomo-rundeimbɪ nindou Israeri-yei mbusũmo tũkũmefundɪ. Yahurai-anɪmbo nindou tɪkai-hoafɪ yamundu-rundeimbɪ sɪhei mbusũmo amboanɪ tũkũndafumboemo. Nindou ranai dɪbo tũkũndafu nɪŋgomombo munɟuambo ranɪ-poanɪmbo tɪkai-hoafɪ sɪheimbo moaruwaimbo-fendũrɪmbo yamundɪ-ndundũrɪmboemo. Nindou ranahamumbo Adũkarɪ ai moaruwai hohoanɪmo-ambeahɪndɪ hɪhɪre masepurɪmũndũyosɪ, ŋga asu ai Adũkarɪ ranahambo amboanɪ daboadɪ hɪhɪrɪmaruwur-ane. Ai ramefundɪ ranɪmboemo asu ai ahamundɪhoarɪ nɪmai moaruwaimbo-ndafumboemo.

² Asu nindou anɪhondũmbo-rɪhindeimbɪ afɪndɪ ranai tɪkai yamundu-rundeimbɪ ahamundɪ moaruwai hamɪndɪ hohoanɪmo ra sũngundɪhũmboyei. Asu ai rawarɪhindɪ ranɪmbohũnda nindou amurɪ burayeɪ ranai hoafɪ hondũ nafɪ ɛŋgoro ranahambo moaruwai hoafɪndeimboyei.

3 Ndanî nindou ndanai sapo hohoanî hohoanîmoyomo-rundeimbi-wambo ai siheimbo tikai-hoafi hoafîndîmo-ndürîmboemo. Horombo hondüyo God ai ahamumbo papi-hoafi hoafîmayupurî, nga ai moai munḡuyo. Hoafi ai hoafîyu masîhendî ahamumbo moaruwaimbo-fipurîmbo ra adükarî tüküfemboane hîmboyopurühi anîḡgo.

4 Sünambeahîndî nendî bîdîfirî ai yaru moaruwai hohoanîmo-memoyosî, nga asu God ai moai ahamumbo ambemo yahu hîningîreapurî, nga wanî. Ai ahamumbo ḡgoafi moaruwai nîmbî afîndî nîmaro-ambe karabusîre hîningîmareapurî asu ai adükarî tîḡîrîfo saimbo si tüküfembohünda hîfandarundî.

5 Horombo hondü ai moai hîfînîndî nindou munḡuambo ranaheimbo ambeyei yahu, nga wanî. Nga ai hoe afîndî koamarîhenda ranambo Godîmbo hohoanîmokoate nindou ranai moaruwaimbo-mehindî. Nga Noa ana sürühoeimbi hohoanîmo bokarîhai-randeimbi asu God ai ahambo nindou 7-babîdî aboedambo-mareandürî.

6 Nga ḡgoafi yimbu Sodom, Gomora rana-hafembo moaruwaimbo-ndîheapîrîmboyahî yahuhaya, hainambo ramareapîra hai tikîrapîrîmbo munḡuambo moatükunî hasüfi yanḡîrî menḡoro. Ranîmboane nindou Godîmbo daboadi hîhîrîhoreimbi ana, horombo ranîmoatükunî tükümeḡeyo nindumbo ra nafuimbo nahurayo tükümeḡeyo.

7 Rot nindou sapo mbumundî hamîndîyu asu God ai ranahambo mafarîheirî. Rot aiyu nin-

dou moaruwai hohoanimoyeimbi ranaheimbo ranimbo ngusüfo nimbimayu.

⁸ Nindou aboedî ranai ahamundî mbusümo nüngumboyu asu ai moaruwai nindou ahamundî-mayo ahinümbî hohoanimo süngufekoate hohoanimo hoafi himboriyu asu hoeire marandî. Raninambo munquambo si maho ra ahandî mbumundî ngusüfo asürîrî marandî.

⁹ Nga asu nine-moatükunî Godindî hohoanimo süngurîhindeimbi aheimbo refendürimbo yahohaya sisam-arandürî ana, God ai aheimbo ranambeahindî hürîhefendürimbo fifireamboani. Nga Adükarî ai nindou moaruwai hohoanimoyeimbi ranaheimbo karabusî-fendürimbo sünguna yîbobofembo si tükefeyo ranîhü aheimbo moaruwaimbo-fendürimbo fifireamboani.

¹⁰ Ranî-simboan-animbo nindou bidîfirî sapo Godindî nginindî yîboaruko-marîhindî ranai moaruwaimbo-feimbi hamindî hohoanimo ahei ngusüfoambe botîfembo ranî-süngurîhi marîhündî aheimbo moaruwaimbo-ndearümbui.

Tikai yamundu-rundeimbi nindou aiana himboambekoate nindou-anemo asu ai ahamundî-poanimbo hohoanimo ranî-süngu yangîrî süngumarundî. Ranîyomo ai bogorî hîfandî-rundeimbi ahamumbo tirîfoefe hoafimbo kikîrifîfekoate-memo. Nindou himboambekoate-yeimbi asu afindî-afindeimbiyomo ai nindou sünambe amarîmo ahamumbo tirîfoefe hoafimbo yîhimbokoate-memo.

¹¹ Sünambeahindî nendî ranai nindou tîkai hoafi yamundu-rundeimbi ahamumbo

ngasündüpurî houmbo nginîndî adûkarî hamîndanemosî, nga asu ai moai simborî tîrîfoarüpurüî Adûkarîndî hîmboahü papî-hoafîrüpürî.

¹² Nga tîkai yamundu-rundeimbi ai nînihondî-yei hohoanîmo nahurai sünguarundî. Ahamumbo hîfokoefe mandife sesimbo yangîrî nahurai anîngomo nindou ra asu nîne-moatükunî ai fîfîrîfekoate-memo ranahambo moanî türüfoaru hoafîyomo marundî. Asu nindou nînihondî naru arundî nou God ai ahamumbo hîfîkoa-ndeapurîmbui.

¹³ Asu ai moaruwai hohoanîmo süngumarundî ranîmbohündambo ai tîñîrîfo asûkai ndowandüamboemo. Ai nindou bîdîfîrambo tîñîrîfo masabudürî ranî-sünguyo asu ai-amboa tîñîrîfo ndowandüamboemo. Aiana sîrîhü sesesîyomo asu bia sîmîndîmo raro arundî ranahambo hîhîfî-hîhîfîmbai yahomomboanemo. Rananemo ai se-babîdî sowasümondüî amarîmo, nga se ranahambo amoanîngayei. Nga moaruwai tîkai hohoanîmo ai yifîrîyomo houmbo ramarundî ranahambo hîhîfî-hîhîfîyomondüî amarîmo.

¹⁴ Aiana amurî hîmbombo-yomopoanî, nga moaruwai hohoanîmo ra ratüpurîmbohünda nîmorehîmbo sowanamboane hîmboarî pararundî. Aiana ngîrî moaruwai hohoanîmo ra hînihîngîndundî, nga wanî. Rananemo asu ai nindou bîdîfîrî anîhondümböfe hohoanîmo akîdou yangîrî kîkîhîru-ndümondeimbi ahamumbo moaruwai hohoanîmo ra rambîrunda yahomo houmbo hüharupürî. Aiana nindou ngöründî napo hohoanîfembo

hohoanimo ra ndeara yamundumboanemo. Nga God ai nindou ranahamumbo moaruwaimbo-ndeapurimbui.

¹⁵ Ai sapo aboedi hohoanimo nafi hondü menjoro ranahambo daboadi hihirimarundi ranimboanemo asu ai mamikariyomo wakarundi. Nindou aiana Beorindi nimir Baram ai moaruwai hohoanimomayu ahandi hohoanimo ra süngumarundi. Baram aiana ro moaruwai hohoanimondahan-animbo kiki ranai tükündifemboe yahuhaya yare hohoanimomayu.

¹⁶ Ahandi ninihondi moangui-randeimbi-hündi ahandi ndürü dongi ai hoafikoateimbane, nga nindou hoafi nahurai hoafimayo. Ai Godindi hoafi hoafiyu-randeimbi Baram moaruwai hohoanimoayu ranahambo rani-süngufepoani yahohaya hoafimendo. Raniyo asu dongi ai ahandi ngusüfo-koate hohoanimo ra kikihirimarimindo.

¹⁷ Tikai yamundu-rundeimbi ndanana sapo apoarindihori hoe nginareandi nahurai-anemo. Asu aiana mburüngai hoewerinambo kiki ramindi pireandani aho yahurai-anemo. God ai ahamumbo nimbi afindi moaruwai nimarowanı koarhefepurimbo dibonıyu hinıngi-reapurimboani.*

¹⁸ Nindou ndanai-ana ngusüfokoate hoafi hoafiyomondühi niıjondiyımondühi borıyomo wakarundi. Rananemo asu ai nindou

* **2:17:** Yimbu moatükunı ra hoekoate-anafe asu ai ngiri hoenambo nindou fandiheneandi. Yahurai-ane tikai yamundu-rundeimbi ahamundi hoafi nimindi-koate-ane, ranane asu ngiri nindou fandihendürı.

bodimondambo findi moaruwai hohoanimo aho ranahambo ngusüfoambe botife hohoanimo ra süngu-mbirihinda yahomo houmbo yirümoarundüri hoangomo. Ai nindou sapo haponda moaruwai hohoanimoyomo-rundeimbi ahamundi fikimi mafefohindi ranaheimbo ahamundi moaruwai hohoanimo ranambe mbiheiya yahomo houmbo hohoanimoyomo arundi.

¹⁹ Rananemo tikai yamundu-rundeimbi ranai horombo hoafiyomondühiya, 'Se yihoefi hohoanimo sünguarihindi ana, aboedambo ngeimboyei,' mehomo. Nga asu ai-amboani nine-moatükunü ahamumbo moaruwaimbo-ndeapurimboe ranahandi moani ratüpuriyomorundeimbi nindou nahurai ningomomboanemo. Rani-moatükunü ra ndahurai-ane: Nine-moatükunü nindou ranahambo hifandariri ana, ahandi moani ratüpuriyu-randeimbi nindou-ani.

²⁰ E! ra anihond-ane, nindou ai sihefi Adükari Sisas Kraiss sihefimbo aboedambofemunimboayu ranahambo fifirihori. Asu ranimbo-hünda ai fefoehindühi hifi ndanihünda moaruwai hohoanimondi nginindi ranambeahindi aboedambo-mehindi. Nga asu asukai ai moaruwai hohoanimo ra sünguarihindi ana, asukai hihiriyahi karabusehindi nahurai-ane: Weangurühi ai anihondümbofekoate-yeambe moaruwai hohoanimo ra süngurihindühi nindou moaruwai manimboei. Asükaiyei sünguna ai hihiriyahi hei ranifihapaiarei ana, moaruwai hamindi hondü nimboeimboyei.

²¹ Refe ana, awi ai aboedi hohoanimo nafü aho

rani-süngufekoate-mbeimbonana, ranana ranaheimbo moaruwai-ane. Nga nindou ai aboedi ho-hoanimo nafi aho rani-süngu süngurahi hehimbo süngunambo Godindi ahinümbi hoafi ranaheimbo yamundimarundura masahümündi rana-hambo daboadanambo-arihindi ana, ranaheimbo moaruwai hamindi hond-ane.

²² Ahei hohoanimo ra kafoefe hoafi nahurai-ane: 'Yafori ai nini-moatükuniyo kimbomayo ra asükaiyo hihirife ho sesi arandi.' Asu ngorü yahurai-ane: 'Nindou ai moatei hundürarandi ana, moatei ai hihirindife asükai ngo hüburukoambe foerimboe.'

3

Adükari ai kudümbui.

¹ Ngusüfohündi wandafi, haponda siheimbo yimbumboanahi pas nda sürü paparhandi. Pas yimbu ranambe siheimbo sapo rani hoafimayo ra asükai hohoanimo purihümündihimbumundi hohoanimo botimbirihindi saheheambo sürü papimarhandi.

² Hoafi ra Godindi hoafi hoafiyomo-rundeimbi sürühoemo-ndeimbi horombo hoafimemo. Asu sihefi Adükari aboedambo-reamuneimbi ai ahandi hoafi sowandümo homo-rundeimbi-yomondi süngu hoafimayu ranimboanahi asükaiyei hohoanimo pumbirihümündia sahehea hohoanimoayah.

³ Se ndani boatei fifirindihimbo-animbo: Bidifiranambo si tüküfeyo-ambe-animbo nindou ai tükündahi hehi ahei moaruwai hohoanimo ngusüfoambe botindeiran ra süngundihimboyei.

4 Rananimbo ai randihi tirifoefe hoafindeih-animboya, 'Sapo kosombo horombo hoafimareandi, nga nahi-a? Horombo amoa mamî ai yifisafiyei heimbo hapondanambe amboanî mungu moatükunî God nafimarandi ra moanî horombo manîngo nou yare yahurai yangiri anîngo ho,' mbiseimboyei.

5 Ai ndani-moatükunî horombo tüküme feyo ranahambo hohoanimo-yowohümbö fifirifembo-yeipoanî, nga wanî. Horombo hondü God ai hoafiyuhü hifi sünü nafira hiningimareandi. Ai hifi hoe yibobomareanda hifi ranai hoe mbusümo tüküme feyo.

6 Asu süngunambo hoe ranai hohoambu afindi tüküfihümbö hifi wamîndafi-mayo ra moaruwaimbo-mareandi.

7 Hoafi mamî ranîyo sünü asu hifi haponda tüküme feyo ranamboanî hai koarîhefeyowa sünü hifi ra tikirîmbohünda hoafimayoa ranimbo himboyowohü anîngo. Sünü hifi nda sapo nindou didiyei ai Godimbo daboadi hîhîrîmarîhorî ranaheimbo God ai yibobofendürimbo moaruwaimbo-fembo si tüküfemboayo ranahamboane ai hiningimareanda himboyowohü anîngo.

8 Se sapo mamî moatükunî ndani-animbo se hohoanimo mitanîndü-hümündimboyei. Adükarîndî hohoanîmonambo ana si mamî ra 1,000 himbanî nahurai-ane, nga asu 1,000 himbanî ra mare mamî si nahurai-ane.

9 Adükari ranai sapo horombo hoafi hoafimayu ranimbo ratüpurimbo ra afureandühîyupoanî. Bidifiri nindou afurifembo hohoanimoayo nou

refih+yupoani. Nga aiana nindou mam+ ai-
amboan+ awar+hefembo ana, moei yahuhü
nindou muᅇguamboya se ᅇgoro süᅇgur+hi
hohoan+moyei yahumboani hohoan+moayu.

Sünü hif+ nda awand+hoemboe

¹⁰ Adükari ai kosimbo si ana sapo hümbuhün+
nindou hümbuhün+imbo ahu yahurai-animbo
tükünd+femboe. Ran+simboan+ sünü ranai
nimoamond+hoaf+ nahurai paindowohümbo
awand+hoemboe. Rananimbo muᅇgu ak+dou
hamind+ moatükun+ raninambo God ai sünü
hif+ nafimarand+ ranai hai tikir+ndandan+
muᅇgund+mboe. Rananimbo asu hif+ amboan+
muᅇgu moatükun+ ranifih+ ᅇgoro ranai kameih+
hai tikir+ndamboe.

¹¹ Ran+moatükun+ ranai rande
awand+hoemboe. Nga se ranahambo
nüᅇgumandahu mbisei hohoan+mondei.
Ran+imbo-hündambo-animbo se Godind+ yangir-
anef+ mbiseihü ran+ yangir+ süᅇgund+hi
ndühünd+.

¹² Ran+ hohoan+monambo-animbo se Godind+
si tüküfemboayo ra himbondei. Rananimbo
asu se si tüküfemboayo ranahambo nimai-
nimaindhindüh+ ᅇgin+ndi ratüpur+ndei. Ran+
si tüküfe simboan-animbo sünü ranai hai
tikir+ndandüh+ muᅇgund+mboe. Asu rananimbo
muᅇguambo sünambe ak+dou hamind+
moatükun+ ra kameihü hüfü afind+yohümbo
hoe nahurai tükünd+femboe.

¹³ Nga God ai sünü hif+ simbori nafimbo
horombo hoaf+yumboani, ᅇga simbori hif+
ranifih-animbo moan+ mbumund+ hohoanimo
yangir+ yagod+mboe. Ran+moatükun+

ranahamboanefi sihiri tükümbifeyowa sefi hohu himboayefi.

*Sihiri hĩbadĩhumbo Adũkarĩmbo
hĩmbondefĩmboane*

¹⁴ Wandafi mamĩ, rani-moatũkuni ranahambo se hĩmboyeihanei. Rani-mbo-hũndambo-anĩmbo se Godĩndĩ hĩmboahũ sũrũhoeĩmbĩ hondũ niŋgombohũnda asu ai-babĩdĩ wudĩ-wudĩmbohũnda hũti-hũtindeĩ.

¹⁵ Sihefi Adũkarĩ ai siheimbo aboedambo-fendũri-mbo yahuhaya hĩmboyu-ndũrũhani asu ai siheimbo hĩniŋgĩrou-hĩniŋgĩrouarandũri rani-mbo randĩhi hohoanĩmondeĩ. God ai sihefi wandafi Porĩmbo fifĩrĩfe aboedĩ masagadowa asu ai-amboani hoafi ra mare ndahurai siheimbo pasambe sũrũ papĩra koamarĩhendũri.

¹⁶ Yini, ahandĩ-mayo muŋguambo pas ranambe ai ndani moatũkuni ranahamboyu hoafi-yu marandĩ. Ahandĩ-mayo hoafi pas ranambe bidĩfiri ana asu akĩdou tiŋĩmaramuni. Nindou bidĩfiri fifĩrĩfe ŋgĩnĩndĩ niŋgokoate-ayei hoafi raniyo asu Baibor-ambeahĩndĩ hoafi kameihĩ mamĩkari-marĩhũndĩ. Rani-mbo-hũndambo-anĩmbo ai awandĩ-hehimboyeĩ.

¹⁷ Wandafi mamĩ, se fifĩrĩhimboanei nĩne-moatũkuni sapo sũnguna tũkũfemboayo ra. Rani-mbo-hũndambo-anĩmbo se sihei fimbo hĩbadĩhũmbo. Nga asu hoafi mbahĩbadĩ-hoemondẽĩmbĩ nindou-yomondĩ hĩhĩndĩ hohoanĩmo ranai siheimbo hũhũndeirani se anĩhondũmbofe ŋgĩnĩndĩ hĩniŋgĩ-ndĩhimboyeĩ.

¹⁸ Nga seana sihefi Adũkarĩ asu aboedambo-reamuneĩmbĩ Sisas Kraĩs ahandĩ hĩpoambofe hohoanĩmo nda afĩndĩsafĩ ndahũmũndihĩ,

asu se ahambo adükari hamindi ndondi hori
fifirindihori ngei. Aiana hapondan-ane asu
süngunamboane ra ndürümbi-mbiyuwamboane.
Anihond-ane.

Godindï Hoafi
The New Testament in the Angor language of Papua
New Guinea
Nupela Testamen long tokples Angor long Niugini

Copyright © 2001 The Bible Society of Papua New Guinea

Language: Angor

Contributor: Wycliffe Bible Translators

This translation is made available to you under the terms of the Creative Commons Attribution-Noncommercial-No Derivatives license 4.0.

You may share and redistribute this Bible translation or extracts from it in any format, provided that:

You include the above copyright and source information.

You do not sell this work for a profit.

You do not change any of the words or punctuation of the Scriptures. Pictures included with Scriptures and other documents on this site are licensed just for use with those Scriptures and documents. For other uses, please contact the respective copyright owners.

2013-01-07

PDF generated using Haiola and XeLaTeX on 28 Dec 2024 from source files dated 31 Aug 2023

c500d379-d0cf-5c22-9613-91d7bcc63af3